



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ. 010-51-29-53

N

9/2161

16>0 2022թ.

**Ծովինար Ավետիսյանին**

Հասցե՝ ք. Երևան, Բաղրամյան 1-ին անցող, 1 շ, 12 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8180037335 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Միաժամանակ Ձեզ է ներկայացվում տահանոյի կողմից ներկայացվող տարիանման տնամուտը:

Առդիր՝ 3 թերթ, 1 կրիչ:

Պետ,  
ոստիկանության գնդապետ՝

Ա. Ումրշատյան

Կատ. Հ. Հարությունյան



## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 17.12.2021թ-ին կայացված թիվ 8180037335 որոշումն անփոփոխ, իսկ վարչական բողոքն առանց բավարարման թողնելու մասին

<<15>> 02 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ռիմրշատյանս, վերանայելով Ծովինար Ավետիսյանի դիմումի քննարկման արդյունքում ստեղծված նյութերը,

## Պ Ա Ր Զ Ե Ց Ի

17.12.2021թ. ժամը 16:15-ի սահմաններում Երևան քաղաքի Բեյրութի փողոցում քաղաքացի Ծովինար Ավետիսյանի վարած <<Հոնդա>> մակնիշի 01DU909 հաշվառման համարանիշի տրանսպորտային միջոցը կայանել է <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին>> ՀՀ կառավարության 955-ն որոշման հավելված 1-ի <<Ճանապարհային նշաններ>> բաժնի 3.28 ճանապարհային նշանի ազդման գոտում, որի հետևանքով վարորդի բացակայության պայմաններում տրանսպորտային միջոցը տարհանվել է հատուկ պահպանվող տարածք:

Վարորդի նկատմամբ պարեկային ծառայության 1-ին գումարտակի 2-րդ վաշտի ավագ պարեկ Ժորա Հակոբյանի կողմից կայացվել է թիվ 8180037335 որոշումը՝ վերջինիս 20.000 ՀՀ դրամի չափով տուգանելու մասին:

Երևան քաղաքի, Բաղրամյան 1-ին անցուղի, 1 շենք, 12 բն. բնակիչ Ծովինար Ավետիսյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 17.12.2021թ-ին կայացված թիվ 8180037335 որոշումը այն հիմնավորմամբ, որ նշված վայրում առկա չէ գծանուշում, որը արգելում է տվյալ վայրում կայանումն արգելելու հանգամանքը՝ ավելին, տեղադրված է <<Փարքինգ Սիթի Սերվիս>> ՍՊԸ-ի կայանատեղիի համար նախատեսված վահանակը:

<<Վարչարարության հիմունքների և վարչական վարույթի մասին>> ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով Ծովինար Ավետիսյանը հրավիրվել է Պարեկային ծառայության իրավաբանական բաժանմունք, սակայն չի ներկայացել քննարկմանը:



Դիմումի քննարկման արդյունքում պարզվել է, որ վարչական իրավախախտման վերաբերյալ գործով 17.12.2021թ-ին կայացված թիվ 8180037335 որոշումը ենթակա է կատարման հետևյալ պատճառաբանությամբ.

ՀՀ կառավարության 2007 թվականի <<ճանապարհային երթևեկության կանոնները եվ տրանսպորտային միջոցների շահագործումն արգելող անսարքությունների եվ պայմանների ցանկը հաստատելու մասին>> 955-ն որոշման 1-ին հավելվածի ձև 1-ի համաձայն՝ 3.28. <<Կայանելն արգելվում է>> ճանապարհային նշանի ազդման գոտում, արգելվում է տրանսպորտային միջոցների կայանումը:

<<Ճանապարհային երթևեկության անվտանգության ապահովման մասին>> ՀՀ օրենքի 18-րդ հոդվածի 3-րդ մասի համաձայն՝ երթևեկության մասնակիցների համար խոչընդոտ ստեղծող կամ կայանումն արգելված տեղերում կանգնած տրանսպորտային միջոցները տեղափոխվում են հատուկ տարածք, եթե վարորդը տեղում չէ կամ հրաժարվում է վերացնել խոչընդոտը կամ կայանման կանոնների խախտումը:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 23-րդ մասի համաձայն՝ տրանսպորտային միջոցների վարորդների կողմից կանգառի և (կամ) կայանման կանոնները խախտելը, եթե դրա պատճառով տրանսպորտային միջոցը տարհանվել է պահպանվող հատուկ տարածք կամ «Հաշմանդամներ» ճանապարհային նշանով (ցուցանակով) կահավորված վայրում «Հաշմանդամ» ճանաչման նշանով չկահավորված տրանսպորտային միջոցը կանգնեցնելը՝ առաջացնում է տուգանքի նշանակում՝ սահմանված նվազագույն աշխատավարձի քսանապատիկի չափով:

Նույն օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Իրավախախտման փաստի վերաբերյալ ապացույցներ են հանդիսանում արձանագրությունը և տարհանող տրանսպորտային միջոցի տեսանկարահանող սարքով իրականացրած տեսանյութը:

Ուսումնասիրելով տարհանողի կողմից ներկայացված տարհանման տեսանյութը՝ ակնհայտ է դառնում, որ <<Նիսան>> մակնիշի 69LL999 հաշվառման համարանիշի տրանսպորտային միջոցը ք. Երևան Բեյրութի փողոցին հարող վայրում կանգառ է կատարել <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և



պայմանների ցանկը հաստատելու մասին>> ՀՀ կառավարության 955-Ն որոշման հավելված 1-ի <<ճանապարհային նշաններ>> բաժնի 3.28 ճանապարհային նշանի ազդման գոտում, որի հետևանքով վարորդի բացակայության պայմաններում տրանսպորտային միջոցը տարհանվել է հատուկ պահպանվող տարածք:

Այսպիսով, համադրելով գործում առկա ապացույցները, ակնհայտ է, որ վարորդը տրանսպորտային միջոցը կայանել է կանգառն արգելված վայրում, ուստի գտնում են, որ դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 23-րդ մասի հատկանիշները:

Ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 17.12.2021թ-ին կայացված թիվ 8180037335 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Ծովինար Ավետիսյանին և պարեկային ծառայության Երևան քաղաքի գունդ:

Պետ,  
ոստիկանության գնդապետ՝



Ա. Ումրշատյան